

Darréu homenaxeará a los Mártires de Carbayín

DARRÉU :: 05/11/2012

La organización de mocedá Darréu entamará un homenaxe a los Mártires de Carbayín, que tendrá llugar el próximu sábadu 10 de Payares nel cimenteriu de la llocalidá.

Darréu desplica que "Con esti actu dende Darréu pretendemos homenaxear a estos heroes del Pueblu Trabayador Asturianu que son los Mártires de Carbayín, pero tamién dignificar la memoria de toos aquellos y aquelles compatriotes que llucharon por una Asturies y un mundu mejor y más llibre y que dieron lo mejor de les sos persones lluchando contra'l capitalismu y el facismu. Dende la mocedá independentista revolucionario vemos con admiración la memoria d'estos homes y mujeres que llevaron hasta'l final el so compromisu militante y fueron represaliaos y asesinaos pol bloque oligárquicu español".

Poro, l'enfotu de la organización política de mocedá independentista sedrá rendir homenaxe a estos héroes d'Asturies, el próximu sábadu 10 de Payares de magar les 13:00, nel cimenteriu de Carbayín Altu, asitiáu nel conceyu de Sieru, baxo'l llema "El mejor homenaxe ye seguir cola llucha".

https://www.lahaine.org/mm_ss_est_esp.php/darreu-homenaxeara-a-los-martires-de-car